

যুক্তরাষ্ট্র অভিবাসন সার্ভিস অনলাইন আবেদন পদ্ধতি চালু করেছে

ওয়াশিংটন, ২৪শে এপ্রিল -- যুক্তরাষ্ট্রের নাগরিকত্ব ও অভিবাসন সার্ভিসেস (বিসিআইএস) আগামী ২৯শে মে তারিখ থেকে কয়েক ধরনের আবেদন ফরমের বেলায় ইলেক্ট্রনিক ফাইলিং ব্যবস্থা চালু করবে। 'বিসিআইএস' -- যা আগে অভিবাসন ও নাগরিকতা বিভাগ নামে পরিচিত ছিল -- এই নয়া ব্যবস্থা সম্পর্কে গত ২৫শে এপ্রিল একটি তথ্যপত্র প্রকাশ করেছে।

তথ্যপত্রটি নিম্নরূপ:

যুক্তরাষ্ট্রের নাগরিকত্ব ও অভিবাসন সার্ভিসেস ব্যরো প্রতি বছর আনুমানিক ৭০ লাখ অভিবাসন আবেদনপত্র পায়। অভিবাসন প্রত্যাশীদের কয়েক ধরনের আবেদন ফরম ইলেক্ট্রনিক পদ্ধতিতে গ্রহণ করার একটি প্রযুক্তি 'বিসিআইএস' এখন উন্নত করেছে। এর ফলে আবেদনকারীদের প্রতি এই দফতরের সেবা যেমন বাড়বে তেমনি আবেদনকারীদের সন্তুষ্টি করার ক্ষেত্রে এই দফতরের সামর্থ্য আরো বাড়বে। ফলে যুক্তরাষ্ট্রের অভিবাসন সংক্রান্ত নিরাপত্তা ব্যবস্থা আরো কিছুটা জোরদার হবে। এই ইলেক্ট্রনিক ফাইলিং বা ই-ফাইলিং ব্যবস্থায় অভিবাসন আবেদনকারীর একটি ডিজিটাল ফটো, স্বাক্ষর এবং আঙ্গুলের ছাপ সংরক্ষণ করা হবে। এর ফলে বিশেষ নিরাপত্তা ব্যবস্থা সম্পর্কে একটি উচ্চ মানের আবেদনপত্র বানানো যাবে। শীঘ্ৰই অনলাইনে যে সব অভিবাসন ফরম পাওয়া যাবে সেগুলোর মধ্যে রয়েছে আই-৭৬৫ (চাকুরির অথারাইজেশনের আবেদন ফরম) এবং আই-৯০ ফরম (গ্রীন কার্ড পরিবর্তনের আবেদন ফরম)। প্রতি বছর অভিবাসন বিভাগে সুযোগ-সুবিধাপ্রাপ্তির ষতগুলো আবেদন জমা পড়ে তার ৭০ শতাংশই করা হয় এই দুই ধরনের ফরম ব্যবহার করে। 'বিসিআইএস' আগামী কয়েক বছরের মধ্যেই তার সকল ফরমই ই-ফরমে রূপান্তর করবে।

ই-ফাইলিং আবেদনপত্র

-- ই-ফাইলিং পদ্ধতি সহজ এবং এই ফরম দ্রুত পূরণ করা যায়। কারণ, ইন্টারনেট সংযোগ আছে এমন যে কোন কম্পিউটার থেকেই আবেদনকারী বা তার প্রতিনিধিরা এই ফরম পূরণ করতে পারবেন। এভাবে পূরণ করে ফরম পাঠানোর পর আবেদনকারীরা ইলেক্ট্রনিক উপায়েই দ্রুত জানতে পারবেন যে তার আবেদনপত্র গ্রহণ করা হয়েছে। এর পর আবেদনকারীরা তাদের ডিজিটাল ফটো, স্বাক্ষর এবং আঙ্গুলের ছাপ দেয়ার জন্য আবেদন সহায়ক কেন্দ্রে যাবার দিন তারিখ ঠিক করতে পারবেন।

-- যে সব আবেদনকারী ইলেক্ট্রনিক উপায়ে আবেদন করবেন তাদের আবেদন যাচাই-বাছাই প্রক্রিয়ার প্রথম দিকেই জনিয়ে দেয়া হবে যে, তাদের আবেদনপত্র অভিবাসন বিভাগে জমা পড়েছে। আবেদনকারী সম্পর্কে ইলেক্ট্রনিক উপায়ে জমা করা এই সব তথ্য ঐ আবেদনকারীর পরিচয় যাচাইয়ের জন্য পরবর্তীতে ব্যবহার করা যেতে পারে।

-- যে সব আবেদনকারীর আবেদনপত্র অনুমোদিত হয় তারা ‘বিসিআইএস’ থেকে উন্নতমানের অভিবাসন দলিলপত্র পান। এই দফতরের কেন্দ্রীয় কার্ড প্রস্তুতকারী বিভাগের তৈরী করা এসব দলিলপত্রে বিশেষ ধরনের নিরাপত্তা বৈশিষ্ট্য থাকে।

-- ‘বিসিআইএস’ চলতি ২০০৩ সালের শরৎকালেই অন্যান্য ফরমও ই-ফরমে রূপান্তর করবে বলে আশা করছে। এসব ফরমের মধ্যে রয়েছে আই-১২৯ (নন-ইমিগ্র্যান্ট শ্রমিকদের আবেদনপত্র); আই-১৩১ (ভ্রমণ দলিলের জন্য আবেদনপত্র); আই-১৪০ (বিদেশী শ্রমিকদের অভিবাসন আবেদনপত্র); আই-৫৩৯ (নন-ইমিগ্র্যান্ট মর্যাদা পরিবর্তন বা এই মর্যাদার সময় বাড়ানোর আবেদনপত্র); আই-৮২১ (অস্থায়ী প্রটেক্টেড স্ট্যাটাসের আবেদনপত্র); এবং আই-৯০ (প্রিমিয়াম প্রসেসিং-এর আবেদনপত্র)।

-- ই-ফাইলিং বা ইলেকট্রনিক উপায়ে আবেদন করার পদ্ধতি ও যোগ্যতা সম্পর্কে আরো তথ্য: www.bcis.gov -- এই ওয়েবসাইটে জানা যাবে।

অনলাইন স্ট্যাটাস চেক

-- ‘বিসিআইএস’ গত বছর “কেস স্ট্যাটাস অনলাইন” নামে একটি ব্যবস্থা চালু করে তার ইলেক্ট্রনিক সেবাদান কর্মসূচীর আরো সম্প্রসারণ করে। ইলেকট্রনিকভাবে আবেদনপত্র জমা দেয়া আবেদনকারীর রশিদপত্র থেকে থাকলে ঐ আবেদনকারী www.bcis.gov -- এই ওয়েবসাইটে তা দেখে নিতে পারেন। এতে করে আবেদনপত্রের ভগ্যে কি ঘটলো তা জানার জন্য দীর্ঘ সময় টেলিফোনে বা টেলিফোন অফিসে গিয়ে অপেক্ষা করতে হয় না।

-- দেখা গেছে যে, প্রতিদিন প্রায় ৩০,০০০ আবেদনকারী এই সেবার সুযোগ নিচ্ছেন। যারা এখন ইলেক্ট্রনিক উপায়ে আবেদন করছেন তারা এই সুযোগ পাবেন।

অনলাইন ফরম

-- এই ওয়েবসাইটে নানা তথ্য সরবরাহ করা ছাড়াও ফরমও সরবরাহ করা হয়েছে। সম্ভাব্য আবেদনকারীরা এই ফরম ডাউনলোড করে নিতে পারবেন। এজন্য কোন পয়সা দিতে হবে না। সম্ভাব্য আবেদনকারীরা এই ফরম প্রিন্ট করে নিয়ে তা পুরণ করে ডাকযোগেও পাঠাতে পারেন।

-- আবেদনকারীরা ‘বিসিআইএস’ ওয়েবসাইটের অনলাইন ক্যাটালগটি আজকাল সবচেয়ে বেশী ব্যবহার করে থাকেন। বর্তমানে প্রতি মাসে লোকজন ২৮ লাখ বার এই ওয়েবসাইটটি ভিজিট করেন। এদের মধ্যে ১০ লাখ ফরম প্রতি মাসে এই ওয়েবসাইট থেকে ডাউনলোড করা হয়।

=====

* (ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগামস-এর একটি প্রকাশনা।)

জিআর/২০০৩

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে অগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৪৪১৩৪৪০-৮, ফ্যাক্স: ৯৮১৬৭৭; ই-মেইল: dhaka@pd.state.gov Ges Website: <http://www.usembassy-dhaka.org>) *thiMvthiM Ki "b/*